

АҚШ мусулмон сиёсатчиси исломофобик қарашга муносабат билдири



10:00 / 18.01.2019 1751

АҚШ вакиллар палатасининг биринчи муслима вакили Рашида Тлаиб, ўз шаънига нисбатан Республикачилар партияси маҳаллий вакили томонидан айтилган сўзларга жавоб қайтарди, деб ёзади IQNA.

Тлаиб Флорида штатида фаолият олиб борадиган маҳаллий республикачи Анабелль Лима-Таубнинг Facebook ижтимоий тармоғида баён қилган исломофобик қарашларига ўзининг Twitterдаги саҳифасида муносабат билдирган. Рашида Тлаиб маҳаллий республикачининг “У хавфли одам, унинг Конгрессни ҳавога учириб юборишига шубҳа қилмайман” деган фикрларида исломофобик қарашлар жой олганига жамоатчилик эътиборини қаратган. “Бу нафрат, айни пайтда мусулмонларга қарши айтилган фикрлар ўз-ўзидан пайдо бўлмаган... Айрим Республикачилар бундан мамнунлар...” деб ёзади Тлаиб Twitterдаги саҳифасида.

Республикачи Анабелль Лима-Тауб тез орада Facebookдаги аккаунтига жойлаштирган хабарини олиб ташлаган, лекин у маҳаллий, кейин эса бутун мамлакат бўйлаб тарқалиб улгурган, ҳатто республикачиларнинг ҳам қаттиқ эътиrozларига сабаб бўлган. Ўз навбатида Америка-ислом муносабатлари кенгашининг Флорида штати шўъбаси Анабелль Лима-Таубнинг истеъфосини талаб қилиб ёзма баёнот ҳам берган.